

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

II. Quæ, & quotplex sit neceſitas actus fidei: speciatim an & quid
neceſitate medij necessario credendum sit omnibus.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

Philemonem & Chrysostomus homil. 6. de symbolo notant particulam in, iunctam cum particula Credere, non semper significare formalem ac supremam rationem credendi, quæ est Deus, sed aliquando unum ex credendis, vel etiam auctoritatem proponentem fidem.

18 Quo modo etiam Exodi 14.v. 31. in texto hebreico legitur Crediderunt in Deum, et in seruum eius Moysen ut etiam diximus q. 1.dub. 8. Nihilominus quia hic modus loquendi minus visatus est, ubi de fide supernaturali agitur, non passim & sine circumspectione usurpandus videtur. Ex quibus tanto magis etiam refellunt huius temporis Sectarij, cum aiunt; actum fidei iustificantis in scriptura solum significari per verba illa. Credere in Deum; de qua re egimus superius q. 6. dub. 2.

DVBIUM II.

*Quæ, & quotuplex sit necessitas
actus fidei; speciatim an, &
quid, siue ex obiectis naturali-
bus, siue supernaturalibus, ne-
cessitate mediū necessario cre-
dendum sit omnibus.*

S. Thomas 2.2. q. 2. a. 3. 4. 5. 6. 7. 8.

19 Idei actum aliquo modo ad salutem necessaria esse, indubitatum est; & constat ex innumeris scripturarum locis, quorum nonnulli inferius referuntur: sed quæ, & qualis, & cuiusnam fidei, & de quo obiecto, sit ea, respectu cuiusvis status humanae vita, necessitas; id cum multifariam controvsersum sit, hac & sequenti dubitatione paulo vberius explicandum est.

20 Vbi supponendum est primo, eorum, quæ ad salutem hominis conducunt & necessaria sunt, siue sint actus humani, siue alia media, ad salutem hominis, seu primam, in iustificatione positam; seu ultimam, nempe ipsam beatitudinem, diuinitus ordinata & prescripta, duplum distingui necessitatem. Alia enim vocatur necessitas medi, alia necessitas precepti. Necessitate medi ad salutem necessaria dicuntur illa, sine quibus iuxta legem Dei ordinariam, nullo modo salus acquiri potest, etiam si quis inuincibiliter ea ignoret, illisue inculpabiliter careat.

Necessitate autem precepti ea necessaria dicuntur, quæ ex vi quidem diuini precepti necessari facienda aut procuranda sunt, cum facultas suppetit; non ita tamen quin etiam secundum legem D & i ordinariam, absque eis saluari possint illi, qui citra culpam, nempe ob impotentiam vel ignorantiam inculpabilem, ea prætermittunt; saltem quantum est ex necessitate precepti, siquidem ea necessitas solum ex precepto oritur, à cuius violatione in omni ma-

teria impotentia vel ignorantia inculpabilis excusat. Necesitas mediū adstringit etiam usum rationis carentes, puta infantes, amentes; necessitas precepti non item.

Et vero sunt nonnulla, quæ utraque necessitate ad salutem necessaria sunt, ut v.g. votum baptisimi, vel poenitentia Sacramenti; item poenitentia formalis aut virtualis in adultis peccatoribus, &c. quædam sola necessitate precepti necessaria sunt, ut actus eleemosynæ, temperantiae, & alia pleraque precepta: quedam sola necessitate mediū ut gratia Dei præueniens, & quoad salutis ultima consecrationem etiam prædestinatio, &c.

Supponendum secundo, aliam esse fidem explicitam, aliam implicitam; seu quod idem est, aliud credere explicite, aliud implicite: quæ distinctione sumitur ex Augustino lib. 19. contra Faustum cap. 14. & Gregorio lib. 2. Moralium c. 25. & traditur à Magistro, & alijs Doctoribus in 3. dist. 25. quidquid improbe ac imperite eam reprehendat Calvinus lib. 3. Instit. c. 2. sect. 2. Dicitur vero explicite credi illa veritas, quæ in se ipsa formaliter & expresse creditur, quæque adeo per se immediate terminat actum fidei. Implicite vero illud, quod solum creditur in alia quadam veritate, in cuius fide etiam illius fides virtute aliquo modo continetur.

Quod quidem dupliciter accidit; primo, quando illa ipsa veritas, quæ implicite credi dicitur, in altera virtute cōtinetur, nempe ut conclusio particularis in vniuersali, quo modo credens Deum Creatorem totius vniuersi, credit etiam Creatore cœli, terra, Angelorum, hominum, &c. Secundo quando saltem fides illius in fide huius secundum animi præparationem aliquo modo continetur, ita ut qui vnu credit, ex vi ipsius actus fidei & praesentis dispositionis animi, sit paratus etiam alterū credere. Quia ratione in quovis actu fidei implicite ac virtute quodammodo continetur fides omnium, quæ Deus reuelauit: quia omnis credens aliquid propter diuinam reuelationem, non solū vniuersum credit, Dei reuelationem esse infallibilem, sed simul etiam credit, eam re ipsa circa hoc vel illud obiectum accidisse, inductus communibus quibusdam fidei motiuis, quæ re ipsa ceteris etiam obiectis credendis conueniunt, quo sit, ut is hoc ipso paratus sit etiam credere cuius reuelationi seu veritati reuelata, si pariter sub iisdem motiuis proponatur.

Ex quibus colligitur, fidem implicitam non ideo tamē dici, quod proprie ac formaliter nulla sit vera fides, quodque explicite circa nullū prorsus fidei obiectum versetur, ut Sectarij nostri temporis sibi imaginantur, sed quia implicite quidem solum ad certum quoddam obiectum terminatur, cum tamen interim nunquam aliquid implicite credi dicatur, nisi per verum actum fidei supernaturalis, ut recte notarunt Gregorius de Valentia hic q. 2. punct. 3. & Bannes q. 2. a. 8. et si Gabriel in 3. dist. 25. ipsam quoque habitualem fidem seu habitum fidei vocet fidem implicitam, respectu veritatum, ad quarum assensum inclinat. Sed quæ acceptio impropria est, & ad hunc locum non pertinet.

23 Supponendum tertio, tres humanæ vitæ statutus distingui posse, de quibus præsens dubitatio locum habere potest, cum queritur, quidnam seu hac, seu illa necessitate necessario credendum sit aut fuerit; nimirum statutum legis naturæ, qui à primo hominis lapsu duravit usque ad Moysem; statutum legis scriptæ, qui à Moysè durauit usq; ad Christum, & demum statutum legi Euangelicæ, qui à Christi prædicatione perdurat usque ad finem mundi. Ita quo omni statu, solum de adultis, vsum rationis habentibus est quæstio, atque ijs præsertim, qui peccato mortali obnoxij sunt, siue iam antea baptizati sint, siue non sint, quandoquidem constat, & apud omnes in confessio est, baptismum adultis ad salutem non prodesse, nisi credentibus.

Quid vero de ijs sentiendum sit, qui post baptismum in infantia receptū, nunquam adhuc peccauerunt mortaliter, an sine omni bono opere ac merito, adeoque etiam sine fide actuali non nunquam saluari possint, dictum est tom. 2. disp. 6. q. 6. dub. 6. Quibus tamen suppositis, omnia quæ de necessitate actus fidei dicemus, secundum proportionem ijs ipsis etiam iustis accommodanda sunt, in ordine ad gratiam conferuandam & gloriam consequendam. His ita præmissis, de necessitate medij respectu actus fidei sequentes assertiones statuimus.

24 ASSERTIO I. Fides mere naturalis ad salutem non sufficit; neque etiam fides separatis concepta de obiectis naturalibus, quæ ratione naturali evidenter demonstrari possunt, per se est ad salutem necessaria: et si necessaria sit ad bene esse, & quibusdam nonnunquam etiam per accidens simpliciter necessaria. Ita quoad priorem partem docent S. Thomas hic q. 2. a. 3. & 4. alijque Doctores communiter post Magistrum in 3. dist. 2. 5. Ratio patebit ex assertione sequenti.

Secundam partem tradit S. Thomas in toto discursu articuli 4. præsertim ad 2. Ratio est. Tum quia iuxta S. Thomam ibidem, & q. 1. a. 5. eiusmodi obiecta naturalia ab ijs, qui habent demonstrationem & evidentiā corūdē, nec possunt quidē diuina fide credi. Tum etiam quia nulla ratio vel auctoritas probat, eiusmodi obiecta naturalia, si seorsim ac per se sumantur, diuina fide necessario esse credenda; et si quidem nonnulla ut inuoluta seu comprehensa alijs obiectis supernaturalibus necessario credenda sint, ut inferius dicitur. Et quis neget saluum fore eum, qui credit Deum etiam ut supernaturale bonum est, esse unum, infinitum, omnipotentem, &c. etiamsi de Deo ut summo bono naturali seorsim nullum fidei actum eliciat?

Tertiam partem ex instituto tradit S. Thomas cit. art. 4. ubi generatim pronuntiat, necessarium esse homini accipere per modum fidei, non modo ea, que sunt supra rationem, sed etiam ea que per rationem cognosci possunt.

25 Idque propter tres causas. 1. Ut citius homo (inquit) ad veritatis diuinæ cognitionem perueniat. 2. Ut cognitione DEI sit communior. 3. Propter certitudinem. Ratio enim humana in rebus diuinis est multum deficiens: cuius signum est, quia Philo-

sophi de rebus humanis naturali inuestigatione perscrutantes in multis errauerunt, & sub ipsi contraria senserunt. Ut ergo esset indubitate certa cognitio apud homines de DEO, oportuit quod diuina ei per modum fidei traderentur, quasi à DEO dicta, qui mentiri non potest. Ita S. Thomas.

Ex quibus colligitur, iuxta Sanctum Thomam, etiam singulis necessariis esse, de obiectis eiusmodi naturalibus, quandoquidem totius Christiana vite ac fidei quasi quedam fundamenta seu præsupposita sunt saltem secundum habitualem mentis dispositionem, habere firmū quendam assensum, siue nimirum demonstratione nixum, siue quadam evidentiā morali, ex consentiente & constanti testificatione quasi totius mundi profecta; siue reuelatione diuina nixum.

Ex quo sequitur quarta pars assertionis; nimis quibusdam per accidens etiam simpliciter necessariam esse fidem & reuelationem eiusmodi obiectorum; nimirum ijs, qui & ob ingenij hebetudinem, & ob loci prauaque educationis incommodeatatem, vt saepe in medijs Indijs accidit duobus prioribus certitudinis modis destituntur, iuxta ea, que tomo 1. quest. 1. dub. 3. tradidimus. Vbi simul addidimus, reuelationem, eiusmodi veritatem non tantum toti humano generi, sed etiam singulis ad bene esse necessariam fuisse.

ASSERTIO II. Quouis tempore, & in omni humanæ naturæ statu, ad utramque salutem, adultis necessitate medij necessarii sunt, atque etiamnum est verus aliquis actus diuinæ fidei. Est de fide, & extra controversiam inter Catholicos Doctores, ex tota epistola S. Pauli ad Romanos, & ad Galatas; ubi hoc ipsum ex instituto probat Apostolus, neminem unquam fuisse iustificatum, nisi per fidem; quam etiam esse peculiare donum Dei, idem Apostolus doceat Ephes. 2. v. 8. & Philipp. 1. v. 29. Accedit speciatim illud Heb. 1. v. 6. Sine fide impossibile est placere Deo.

Quo modo loquendi tum ex ipsa vi ac proprietate verborum, tum ex communi Patrum interpretatione, ac totius Ecclesiæ sensu, astipulante simul totius Scripturæ analogia, necessitas medij significatur. Idem colligitur ex Concilio Mileuitano Canone 4. Acausano canon. 5. & sequent. Tridentino sell. 6. cap. 7. & 8. Idem docent omnes SS. Patres, speciatim Cælestinus Pontifex in epist. ad Episcopos Gallia, Innocentius I. epist. 25. cap. 9. & 12. Quibus accedit ratio S. Thomæ sequenti assertione explicanda.

ASSERTIO III. Actus ille fidei necessitate medij omnibus necessarii, necessario est, & esse debet supernaturalis; idque ex triplice capite, nimirum primo ex parte principij, ita ut sit auxilio supernaturali diuinæ gratiæ. 2. ex parte medij ut concipiatur propter diuinam reuelationem. 3. ex parte obiecti materialis, seu veritatis quæ creditur. Ita habet communis sententia Theologorum, post Magistrum in 3. dist. 2. 5. & Sanctum Thomam hic quest. 2. art. 3. & 1. 2. q. 113. art. 4. ad 2. & q. 4. de veritate a. 11. eamque fusius probant Sotus in 4. dist. 1. q. 2. a. 3.

Canus relect. de Sacramentis in genere part. 2. q. 2. conclus. 1. Gregorius de Valentia hic q. 2. punct. 2. neq; vel ex haereticis fere aliquis fuit, qui negaret fidem ad salutem necessariam, aliqua tandem ratione supernaturalem esse debere, nisi forte Manichæi & Pelagiani, de quibus infra...
26

Prima pars assertionis est de fide, contra Pelagium; qui negavit, yllum internum gratiæ Christi auxilium ad credendum esse necessarium, ut fuis dicitum tom. 2. disp. 6. q. 3. dub. 1. vbi ex instituto eum Pelagi errorem refutauimus; esténdo, neminem credere posse, vt ei iustificatiōnis gratia conferatur, sine auxilio gratiæ Christi: id quod aperte definitur in Concilio Tridentino sell. 6. Can. 3.

Secunda pars itidem videtur ex fide certa; quidquid etiam ex Catholicis nonnulli in contrarium aliquando dixerint, vt inferius dicetur, & sequitur euidenter ex precedente assertione. Nam vera ac diuinæ fidei actus formaliter ac intrinsece ntititur reuelatione diuina, tanquam ratione formalis obiectua sibi adæquata, ex dictis quæstione 1. dub. 3: Ex quo sequitur, fieri nullo modo posse, vt aliquis vera ac diuinæ fidei actus concipiatur, nisi ob diuinam reuelationem. Plura circa tertiam assertionis partem.

Tertia pars et si nondum plane existimetur, esse de fide, ita vt oppositum sit haereticum; mihi tamen velut certissima habenda videtur, sicut etiam Arragonius hic quæstione 2. art. 3. ait, hoc sibi non minus videri certum, quam quod in prima & secunda assertionis parte dictum est; quantumvis ea simul cum secunda parte, à pluribus fuerit negata. E quibus olim primo fuerunt Manichæi, qui nihil credendum esse dicebant, nisi quod naturali ratione demonstrari posset, teste Augustino lib. de utilitate credendi cap. 1.

Deinde huc spectat Pelagius, qui vt est apud Augustinum libro 1. de gratia capit. 4. aliquando docuit, reuelationem supernaturalem esse, quidem vtilem ad salutem, sed non necessariam.

Tertio huc spectant etiam nonnulli ex Catholicis, speciatim Vegalib. 6. in Conciliū Tridentinū cap. 17. & 20. & vt referri solet Victoria, & olim etiam Sotus libro 2. de natura & gratia cap. 11. primæ editionis; qui putabant saluari posse etiam secundum legē Dei ordinariam eum qui aliqua ratione cognoscens legem naturalem, faciat quod potest; dummodo interim inuincibiliter obiecta supernaturalia ignoret, tametsi Vega simul addat, re ipsa nullum ita fuisse saluatum; quod ab eo gratis & sine ratione dicitur. Idem significat Caietanus Commentario in caput 11. epistola ad Hebreos, vbi tamen simul aliquam saltem ex parte principij supernaturalem cognitionem videtur requirere.

Peius adhuc Erasmus in commentario Tufulanarum quæstionum Ciceronē; Zuinglius vero in expositione Christianæ fidei a. 12. Herculem,

Theſeum, Socratem, Aristidem, Numam, Camillum, Catones, Scipiones, & alib; etiam Senecam, quantumvis diuinæ fidei expertes, in cœlis collatent. Quorum quidem sententiam generatim loquendo, nec in specie disputando, num forte hic vel ille vera prius ac supernaturali fide obtentā, fuerit saluatus; Canus loc. cit. asserit erroneam & forte haereticam; Gregorius de Valentia quæstio. 2. punct. 2. ait, ab omnibus iam, vt erroneam reici; Bannes hic quæstione 2. articulo 3. dicit, aut esse haereticum, aut haereti proximum.

Probatur eadem assertionis pars simul cum secunda, primo ex scriptura; quæ sepius aperte, eam indicat. Nam in epistola ad Romanos, & ad Galatas, dum Apostolus tam respectu Iudeorum, quam Gentilium fidei necessitatem comprobat, aperte & ex instituto loquitur de fide Christi, aut certe Dei reuelantis auctoritatenuixa. Itē 1. Cor. 2. vers. 6. omnem humanam & naturalem rerum cognitionem tanquam ad salutem insufficientem rejicit, cum ait; Ut fides vestra non sit in sapientia hominum, sed in virtute Dei. Sapientiam autem loquimur inter perfectos; Sapientiam vero non huius saeculi, neque Principum huius saeculi, qui destruuntur, sed loquimur Dei Sapientiam in mysterio, quæ abscondita est, quam prædestinavit Deus ante saecula, in gloriam nostram, quam nemo Principum huius saeculi cognovit.

Et ibidem cap. 1. vers. 19. Perdams sapientiam sapientium, & prudeniam prudentium reprobabo. Vbi sapiens? ubi scriba? ubi conqueritor huius saeculi? nonne stultus fecit Deus sapientiam huius mundi? Nam quia in Dei sapientia, non cognovit mundus per scientiam Deum, placuit Deo per stultitiam prædicatio (diuina vtique reuelatione nixa) saluos facere credentes. Denique Hebr. 1. 1. vers. 1. ubi fides ad salutem necessaria describitur, vocatur sperandlerum substantia rerum, argumentum non apparentium. Cuius quidem generis obiecta non nisi supernaturali reuelatione Dei cognoscuntur. Nec obstat illud ibidem v. 6. Credere portet accidētem ad Deum quia est, & inquirentibus se remunerabit; id enim de Deo non præcise vt auctore ac prouisore rerum naturalium intelligendum esse, interius dicitur.

Ratio est; quia alias nulla causa esse, tcur hō in aliquo saltem casu, saluari homo posset, per cognitionem etiam ex parte principij naturalem, hoc est, ex solis naturæ viribus profectam, vt recte etiam argumentatur Arragonius loc. cit. Cognitio enim naturalis Dei, & præceptorum naturalium acquiri potest etiam sine auxilio gratiæ, vt dictum tom. 2. disp. 6. q. 3. dub. 1. Consequens autem esse absurdum, & contra fidem, constat ex prima assertionis parte.

Huc etiam spectat ratio S. Thomæ hic quæst. 2. art. 3. in qua explicanda multum laborat Caietanus. Ea vero in hoc breuiter consistit. Quia cum ad visionem Dei (in qua consistit ultima beatitudo hominis) intellectu ac voluntate, acquirendam nemo pertingere possit, sola vi naturæ, opus est, vt intellectus interueni cœlestis ac supernaturalis doctrinæ ductus eo pertingat; iuxta illud Ioannis 6. v. 45. Omnes qui

audiuit à Patre, & didicit, venit ad me: Atqui discere à Deo nemo potest quidquam, nisi Deo docenti ac reuelanti credat, iuxta illud Philosophi: Addicentem oportet credere: Ergo necesse est credere Deo reuelanti; ac proinde etiam aliquid, ex Dei reuelatione dependens.

35

ASSERTIO IV. In omni statu, necessario necessitate medijs credendum seu cognoscendum explicite est, & fuit, Deum esse; ac remuneratorem esse, adeoque curam & prouidentiam habere humanarum rerum non modo naturalem, & in hac vita, sed etiā supernaturalem ac in altera vita. Ita ex communi Doctorum sententia docet Gregorius de Valentia q. 2. punct. 3. contra Vegam l. 6. in Concilium Tridentinum c. 17. & 20. docentem, etiam saluari posse eos, qui per ignorantiam inuincibilem ignorantes vnum verum Deum, legem naturalem, quantum in se esset seruare conarentur: quæ sententia erronea est, vt ex dictis colligitur.

36

Probatur assertio ex illo Apostoli Heb. 11. v. 6. *Sine fide autem impossibile est placere Deo. Credere enim oportet accedentem ad Deum, quia est, & inquirentibus se remuneratorem sit. Vbi verbis præcedentibus necessitas medijs explicatur; subsequentibus obiecta necessario credenda determinantur; ita ut per verba illa Deum esse, aut respectus habeatur ad eos, qui euidentiam & demonstrationem eius veritatis non habent, vel certe significetur existentia Dei, non solum vt boni naturalis, sed etiam supernaturalis, adeoque vt auctoris bonorum etiam supernaturale; tametsi aliqui hoc præcise obiectum naturale, Deum videlicet, qua naturaliter cognoscibilis est, esse, per se, ac separatim, neque necessitate medijs, neque præcepti, per se loquendo, necessario credendum sit, vt assertione prima dictum; tametsi aliqui in omni statu necessaria fuerit firma quadam cognitionis vniuersi Dei, vt S. Thomas hic q. 2. art. 7. & 8. supponit & dictum supra assert. 1. eaque causa est, cur in assertione dixerim credendum seu cognoscendum.*

37

Ratio huius assertonis est; quia sine hac cognitione & fide, non potest esse supernaturalis actus spei, & charitatis; sine quibus tamen nullus peccator adulterus saltem extra Sacramentum seu primam, seu ultimam salutem consequi potest: Cæterum in eo ipso obiecto Deum esse remuneratorem aliquo modo supernaturale, inuoluuntur simul etiam aliæ veritates, vt Deum esse, item auctorem aliquo modo esse bonorum supernaturale, item hominem non vt brutum secundum animam continuo interire: quæ tamen non propterea pari necessitate separant & distingue omnia credenda fuere, vt ex dictis colligitur.

38

ASSERTIO V. In statu legis naturæ & Mosaiæ, necessitate medijs credenda explicite non fuerunt mysteria Incarnationis & Trinitatis. Colligitur ex S. Thoma quæstio. 2. art. 7. & 8. & est communis omnium Theologorum sententia cum Magistro in 3. dist. 25. Probatur ex illo Apostoli Gal. 3. v. 23. *Priss autem quam venire fides, sub lege cuiusodiebamur conclusi, in eam fidem, quæ reuelanda erat. Vbi de fide IESV CHRISTI sermo est, vt*

ex verbis antecedentibus patet. Idem docet Augustinus l. 19. contra Faustum cap. 14.

Ratio est; quia cum eo tempore necdum perfectum esset mysterium Incarnationis, ipsique homines ob ruditatem & tarditatem parum capaces essent tam sublimum mysteriorum, non fuit conueniens explicitam eorundem mysteriorum fidem tanta necessitate ab omnibus exigere. Pluribus eandem assertione probant Sotus lib. 2. de nat. & grat. cap. 11. & 12. Et in 4. dist. 1. q. 2. a. 3. & Canus relect. de Sacramentis in genere part. 2. conclus. 2.

ASSERTIO VI. Sed nec ante promulgatum sufficienter Euangelium necessitate medijs omnibus explicite credenda fuerunt illa Trinitatis & Incarnationis mysteria. Ita ex communi docet Gregorius de Valentia q. 2. punct. 4. Probatur ex scriptura exemplo Cornelij, qui antequam explicite crederet in Christum, iustus erat, Act. 10. v. 2. et si Magister in 3. dist. 25. significet, eum habuisse etiam antea fidem explicitam de Christo venturo. Ratio est; quia vniuersim lex Euangelica, quoad præcepta seu statuta eiusmodi positiva, necessitate medijs non obligabat ante sufficientem promulgationem Euangeli, vt generaliter diximus tom. 2. disp. 5. q. 4. dub. 2.

ASSERTIO VII. Fides tamen implicita Christi, & SS. Trinitatis, in omni statu necessitate, medijs necessaria est & fuit, rum ad primam, tum ad ultimam salutem Ita S. Thomas hic quæst. 2. art. 7. ad 3. & est certa apud omnes Doctores. Probatur ex Apostolo Rom. 4. & 5. & ad Gal. 1. & 3. & 2. ad Cor. 4. & alibi passim: vbi fides in Christum tanquam simpliciter & omni tempore ad salutem necessaria co[n]tendatur. Vnde etiam Act. 4. v. 12. dicitur: *Nec enim aliud nomen est sub celo datum hominibus, in quo oporteat nos salvos fieri.* Et 1. Cor. 10. v. 3. de hominibus veteris testamenti dicitur: *Omnes (per fidem) eandem est carnitatem manducaverunt. Omnes eundem tempus carnitatem biberunt: bibebant autem de spiritibus consequente eis petra, petra autem erat CHRISTUS.* Hæc vero cum accipi non possint de fide explicita in Christum, vt dictum assert. 5. necessario de fide saltem implicita accipienda sunt.

Eodem modo loquuntur SS. Patres. Ratio est. Tum quia hæc fides implicita continetur in fide ipsius Dei supernaturalem prouidentiam habentis, quæ semper necessaria fuit, vt dictum. Tum quia hoc ipso, quod lex vetus umbra fuit & figura venturi Christi, fides eiusdem legis virtutem ac implicite quodammodo referebatur ac terminabatur ad Christum, vt pluribus dicetur assert. seq.

Neq; vero ideo pari ratione dicendi est, omnium rerum aliarum, etiā quæ postea primū successu temporis reuelata sunt, fidē implicitā omni tempore fuisse necessariam: *Quia fides rei necdū reuelata, proprie nullo modo potest dici necessaria; cum illa necdum quidem etiam in actu primo sit obiectum fidei.* Earum vero rerum, quæ dudum hominibus reuelatae fuerunt, etiā fides implicita necessaria dici possit, non tamē proprie necessitate medijs, hoc ipso, quod non essent de aliquo generali salutis medio; sine quo nemini

salus

salus contingere: ob quam proinde causam, peculiari adhuc modo fides implicita Christi necessaria dicitur utpote rei ad salutem profus necessaria, ut recte notauit Bannes hic quæst. 2. a. 7. Accedit alia causa sequenti assertione explicanda.

A S S E R T I O VIII. Valde etiam probabile est, in omni statu medijs necessitate necessariam fuisse explicitam fidem Dei Liberatoris saltem in communi; qua videlicet Deus crederetur auctor bonorum supernaturalium, ad remedium peccatorum, & corruptelæ humanae naturæ. Indicat S. Thomas a. 7. ad 3. vbi ait: *Si qui tamen salvati fuerunt, quibus revelatio non fuit facta, non fuerunt saluati ab his fidei Mediatores: quia etsi non habuerunt fidem explicitam, habuerunt tamen fidem implicitam in divina prouidentia, credentes Deum esse Liberatorem hominum secundum modos sibi placitos;* & secundum quod aliquibus veritatem cognoscitibus ipse revelasset, secundum illud Job 3. 5. capite: *Qui docet nos super iumenta terra.*

Idem post Alensem 3. part. q. 82. mem. 3. a. 1. Albertum in 3. dist. 25. a. 1. Bonaventuram ibidem q. 2. Scotum q. 2. Gabrielem q. vn. a. 2. expresse docet Gregorius de Valentia q. 2. punct. 3. Nec dissentit Arragonius q. 2. a. 5. licet enim dicat, fidem explicitam vnius Mediatores solum, necessariam fuisse tempore legis scriptæ, Iudeis tam minoribus, quā maioribus, non autem tempore legis naturæ, vel Gentilibus extra synagogā, non videtur tamen loqui de fidei Dei Liberatoris vniuersim, abstrahendo, an aliquis esset Mediator, an non; quandoquidem ibidem expresse docet, in omni statu necessariam fuisse fidem, qua Deus crederetur unus, Creator, Iustificator, & Glorificator; quo spectat etiam immortalitas animæ. Ratio est; quia in omni statu necessaria necessitate medijs fuit poenitentia, quā cognitionem & peccatorum, & ipsius Dei Liberatoris à peccatis includit.

Ex quibus colligitur, fidem implicitā in Christum, quam S. Thomas q. 2. a. 7. vocat fidem sub velamine, & a. 8. fidem quasi obumbratam & occultatam in fide majorum, fuisse in minoribus tripliciter. Primo hoc ipso quod minores crediderunt, illa sacrificia ante legem, & in lege præfigurativa Incarnationis & Passionis, fuisse diuinitas ordinata seu disposita, ut docet S. Thomas q. 2. art. 7. Secundo, dum ijdem generatim credebant, quod ipsorum maiores siue Ecclesia credebat, iuxta eundem S. Thomam a. 6. ad 3. Tertio eo ipso, quod omnes tam Iudei, quam Gentiles habebant fidem illam explicitam diuinæ prouidentiæ, credentes Deum esse liberatorem hominū secundum modos sibi placitos, iuxta S. Thomam a. 7. ad 8.

Vbi etiam addit peculiaria quædam exempla, quibus docet, multis Gentilium factam fuisse reuelationem de Christo: *Ut patet, inquit, per ea, quæ prædixerant. Nam Job 19. Scio quod Redemptor meus vivit. Sybilla etiam prænuntians quadam de Christo, ut Augustinus libro 13. contra Faustum cap. 15. dicit. Inuenitur etiam in historijs Romanorum, (apud Theophanem, Baronium Anno 780. &c.) quod tempore Constantini Augusti, & Irena matris eius, in-*

uentum fuit quoddam sepulchrum, in quo iacebat homo, auream laminam habens in pectore, in qua sciprum erat, Christus nascetur ex Virgine; & ego credo in eum. O sol sub Irene & Constantini temporibus iterum me videbitur. Atque in eundem sensum etiam superioris quæst. 1. dub. 7. docuimus, eadem obiecta fidei quis tempore saltem implicite credita fuisset.

A S S E R T I O IX. Quamvis probabile sit, etiamnum post Euangelium sufficienter in orbe promulgatum, fidem explicitam Christi Redemptoris, multoq; magis SS. Trinitatis, non esse necessariam omnibus necessitate medijs, neque ad primam, neq; ad ultimam salutem; probabilius tamen est, ita necessariam esse ad ultimamque salutem.

Prima assertio pars ex eo probatur; quia multi & graues Doctores absolute docent, eiusmodi fidem non ita esse necessariam, ut Richardus in 3. dist. 25. a. 4. q. 1. Sotus lib. 2. de nat. & grat. cap. 11. & in 4. dist. 5. q. vn. a. 2. Vega loc. cit. & significat S. Thomas 3. part. q. 69. art. 4. ad 2. post Altisodorensem lib. 3. tract. 3. cap. 1. q. 5. & Guilielmū Parisiensem tract. de fide. Canus quoq; Relect. de Sacramentis in genere part. 2. Bannes hic q. 2. a. 5. negant, fidem Christi explicitam esse necessarium medium ad primam salutem; etsi facientur esse necessariam ad ultimam salutem.

Præterea Azor tom. 1. lib. 8. cap. 6. q. 6. ait; *Si quis ob ingenij hebetudinem Trinitatis articulum nequeat percipere, sati esse si credit explicite alios clariores, nimis Christum filium, Dei natum ex Virgine, perfumum, crucis affixum. &c. Huc spectant etiam illi, qui præter fidem generalem Ecclesiæ, solum exigunt, ut quis explicite credit Deum esse, & benefacta debitis præmijs afficere, malefacta supplicijs punire. Pro qua sententia Azor cit. q. 6. refert Innocentium, Hostiensem, Ioannem Andreæ, & Abbatem in caput 1. de Summa Trinitate & fide Catholica. Deniq; huc spectant illi, qui olim absolute docuerunt, satis esse generatim credere ea, quæ credit mater Ecclesia, in quibus est Summa Rosella, & anonymus quidam apud Sylvestrum v. fides q. 3. qui tamen ab omnibus communiter & merito rei ciuntur, ex dictis.*

Ratio eiusdem partis est; quia nullo satis firmo argumento ea necessitas probari potest. Quæ enim pro contraria sententia adducuntur, vel de fide Christi implicita aut de necessitate præcepti satis probabiliter explicari possunt. Præterquā quod mysterium Trinitatis sua natura abstrusissimum est; cuius nec terminos quidē & communem notionem rudiores facile intelligere posse videntur; quis enim ex communi plebe scit, quid sit natura, quid persona; necdum quomodo à se inuicem distinguantur &c. Quibus de causis etiam Gregorius de Valentia q. 2. punct. 4. & Bannes a. 5. hanc sententiam probabile censem; quidquid Canus loc. cit. loquendo de fide in Christū, ac ultima salute, eam velut temerariam aut erroneam fugillet.

Nihilominus tamen secunda pars assertio probatur ex eo; quia ea est communior Theologorum sententia. Eam enim supponunt aut indicant S. Thomas hic q. 2. artic. 7. Magister in 3.

dist. 25. Albertus ibidem a. 2. ad 6. Bonaventura a. 1. q. 2. Durandus eadem dist. 25. q. 1. n. 9. Gabriel q. vn. a. 2. eamque fuse probant Gregorius de Valentia hic q. 2. punct. 4. & 5. & quoad fidem Christi Lorinus Act. 2. v. 3 8. & Iosephus Acosta lib. 5. de procuranda Indorum salute cap. 3. & 4. prater Canum, Bannem, & Arragonium, qui saltem ad ultimam salutem talem fidem docent esse necessitate medijs necessariam.

Fundamentum praecipuum huius sententiae sumitur ex scriptura; quæ saepius magno pondere inculcat necessitatem fidei actualis in Christum, ut Marci 16. vers. 16. *Qui crediderit & baptizatus fuerit, saluus erit: qui vero non crediderit condemnabitur.* Ioannis 3. vers. 14. *Sicut Moyses exaltauit serpentem in deserto; ita exaltari oportet filium hominis, ut omni qui credit in ipsum, non pereat, sed habeat vitam aeternam;* periturus vtique quisquis non credit in ipsum, sicut perierunt, qui serpentem non aspicerunt: Et itidem vers. 18. *Qui credit in eum non iudicatur: qui autem non credit iam iudicatus est, quia non credit in nomine Unigeniti Filii DEI.* Item Gal. 2. vers. 16. *Scientes, quod non iustificatur homo ex operibus legis, nisi per fidem IESV CHRISTI.*

Ratio est; quia Christus est primaria causa moralis & meritiora nostræ salutis; ad cuius gloriam veluti finem etiam ipsa salus nostra ordinatur. Conueniens ergo fuit, ut luce Euangelij patefacta ab omnibus exigeretur explicita fides Christi.

Quæ argumenta etiam accommodari possunt ad fidem SS. Trinitatis; praesertim quando sine ea Christi filij Deus & Incarnatione credi & concipi non potest; ac præterea eiudem mysterij in ipso statim Sacramento baptismi publica ac solemnis fit protestatio: et si contrarium quoad mysterium Trinitatis indicant Scotus in 3. dist. 25. q. 1. circa finem, & Azor loc. cit. eo quod multi simplices non videantur propriam rationem huius tam profundi mysterij posse percipere. Sed fortasse Scotus accipit explicite credere prodistincte credere!

Nam confusam aliquam eius rei notitiam habere, adeoque credere hoc mysterium, ut loquuntur, quoad substantiam, non est adeo difficile. Quod quidem Azor loc. cit. post Gabrielem in 3. dist. 25. art. 2. ita explicat, ut substantia articuli Trinitatis sit; *Deum esse Patrem, & Filium, & spiritum sanctum;* & hos nequaquam esse tres Deos, sed unum Deum. In Deo vero esse unitatem naturæ, & reuera distinctionem personarum, ad explanationem, inquit, *eius articuli pertinet, qua doctrinæ, non rudium hominum est.*

In quem sensum etiam videtur scripsisse Hosius in confessi. fidei cap. 2. *Distinctionem personarum & unitatem substantie,* si qui sunt rudiores, quam ut comprehendere possint, non est adeo necessarium ad salutem omnibus explicite credere, ut si quis minus haec fuerit asservatus, de eius salute dubitandum sit.

Eadem ratione etiam satifieri potest discursui, quo hac in re vtitur Sa verbo fides, cum ait: *Alij sentiunt multis (rudioribus qui per ignorantiam à peccato excusantur) sufficere, cum baptismo, cre-*

dere quod credit Ecclesia. Quam opinionem, inquit, et si adhuc solebam improbare, nunc non ausim. Quid enim? dicemusne perire infinitam Christianorum aliqui bonorum multitudinem, qui de mysterio etiam Trinitatis & Incarnationis vix quidquam recte norunt, imo peruerse sentiunt, si interroges. Ecce.

Sed ex dictis colligitur, non ideo necessarium esse, tam multos damnari, ut magis inferius patet. Quod si qui sunt adeo rudi intellectu, ut ea mysteria sub propria aliqua notione concipere nullo modo possint, tum iij quoad hanc rem cum infantibus ac fatuis comparandi erunt; neque enim credibile est, Deum à quoquam exigere, maiorem cognitionem, quam per vim intellec-
tus ipse confequi possit.

Illa vero distinctio Cami, Bannis, & Arragonij, de prima & ultima salute, in hac materia noua est, & fundamento caret. Nam in scriptura ad salutem ultimam nihil requiritur aliud, quam ut quis sit in gratia, & si adultus est, meritum habeat vitæ aeternæ. Neque SS. Patres in hac materia, vsquam huius distinctionis meminerunt; & loca, quæ pro necessitate fidei adduximus, non solù loquuntur de ultima salute, sed etiā de prima; adeo ut vel nihil, vel utrumq; & quæ probent.

Nec obstat illud Heb. 1. 1. *Accedentes ad Deum oportet credere quia est; & quod inquirentibus se remuneratur sit.* Nam ut recte dixit S. Thomas a. 8. ad 1. haec quidem duo credere, illic ad salutem necessarium esse dicitur; sed non, sufficere. Quod etiam de Cornelio ab Arragonio adducitur, non spectat ad tempus legis Euangelicæ sufficienter promulgatae, ut superius dictum.

ASSERTIO X. Sed & probable est, hoc tempore omnibus accessitate medijs necessariam esse explicitam fidem seu cognitionem articulorum diunitatis, qui in symbolo continentur, videlicet Deum esse unum, Creatorem, Salvatorem seu Iustificatorem, & Glorificatorem. Ita Gregorius de Valentia q. 2. punct. 5. & Arragonius a. 5. vbi addit, hæc ipsa quoque semper ac in omni statu necessario fuisse credenda explicite. Idem evidenter supponere alii, & sere ex dictis colligitur. Nam unum Deum & Creatorem esse, continetur in ipsa communissima ratione, Deitatis, & primi principij; Salvatorem seu Iustificatorem, & Glorificatorem esse, continetur in fide Liberatoris & remuneratoris Dei, iuxta dicta; esto hæc olim ita distincte non fuerint omnibus cognoscenda seu credenda, ut recte Valentia loc. cit.

Dixi tamen fidem seu cognitionem; quia priora duo, cum sint evidenter scibilia, ex sententia quidem S. Thomæ scorsim ac secundum se credi non possunt, nec debent, ab habentibus eorum demonstrationem: ex nostra vero sententia, licet ita credi possint, non tamē debet, ut assertione prima dictū.

Quomodo autem nihilominus, non obstantibus his, quæ hactenus docuimus, quius etiam fidelis habeat sufficientem gratiam, qua credere possit & saluari, diximus tom. 2. disput. 6. q. 2. dub. 2. Nimirum Deus facientem quod in se est cum auxilio gratiæ præuenientis, quod nemini denegatur, ulteri illuminabit, aut per se, aut per

Angelos

Angelos, aut per homines, vt supranaturalem fidem concipere, atque ita iustificari & saluari possit; idque supposita lege Dei, opus proprie miraculosum non erit, sed potius executio quædam & effectus ordinariae prouidentia Dei, vt recte post Albertum in 3. disp. 2. 5. art. 2. ad 6. Durandum q. 1. n. 9. & Gabrielem q. vn. a. 2. ex communi docet etiam Valentia loc. cit. punct. 4.

53 Et consentit S. Thomas in commentario epist. ad Romanos cap. 10. lœt. 3. quantumuis hic q. 2. a. 5. ad 1. pro abfundo habere non videatur, quod Deus aliquem in peccatum etiam solius peccati originalis, auxilio gratiae ad fidem necessariae destituat. *Ad multa*, inquit, *tenetur homo*, ad quæ non potest sine gratia reparante: sicut ad diligendum Deum & proximum, & similiter ad credendum articulos fidem. sed tamen hoc potest cum auxilio gratiae; quod quidem auxilium quibuscumque diuinum datur, misericorditer datur: quibus autem non datur, ex insuffitia non datur, in peccatum procedens, aut saltem originalis peccati; vt Augustinus dicit (aut potius innuit cap. 5. & 6.) in libro de corrept. & gratia. In quem sensum etiam loquitur S. Thomas hic q. 10. a. 1. idque multo expressius docuit. Ariminensis apud Suarez 3. part. tom. 4. disp. 8. lœt. 2. n. 21. ubi eam ipse sententiam *valde falsam*, nondum tamen aliqua censura dignam iudicat. Sed de hac re pluribus differimus tom. 2. loc. cit.

D V B I V M III.

An, & quid necessitate præcepti necessario credendum sit omnibus; & quando præceptū fidei obliget.

S. Thomas 2. 2. q. 2. a. 5. 6. 7. 8.

54 D E hac re sequentes assertiones statuimus.
ASSERTIO I. Ea quæ necessitate medijs, pro ratione cuiusque status, credenda fuerunt singulis, iuxta dicta dub. præcedenti, fuerunt etiam credenda necessitate præcepti. Est extra controversiam. **Ratio est.** Quia quando aliquid in libera hominis potestate situm, maxime vero si sit aliqua actio humana, ex diuina ordinatione est medium necessarium ad salutem, tunc id hoc ipsum quoque cadit sub præceptum diuinum. Alias fieri posset, vt is etiam, qui præcepta diuina seruasset, adhuc tamen non saluaretur; quod est contra dictum Christi Matthæi 19. v. 17. *Si vis ad vitam ingredi, serua mandata.*

55 **ASSERTIO II** In omni quoque statu, etiam legis natura, credèda vel cognoscèda præterea fuerunt ea, quorum cognitio vniuersim ac in omni statu, erat necessaria ad recte & honeste viuendū, etiam in ordine ad finem supernaturalem. Est itidem certa, & communis Doctorū sententia. **Ratio est manifesta.** Quia qui iubet aliquid faciendum, iubet etiam id, sine quo illud fieri non potest, si modo in hominis sit potestate, vt sunt actiones istæ morales, de quibus loquimur.

Ex quo colligitur, in oī statu, præter ea, quæ

diximus dubio præcedenti, hæc quoque necessitate præcepti necessario fuisse credèda vel cognoscenda. Primum est. Deum esse suūmum bonum, & ultimum hominis finem etiam supernaturalem: alioqui enim nec sperari, nec diligi Deus supernaturaliter potuisse; quod tamen in omni statu erat necessariū. Cum vero dicitur, in statu legis naturæ nulla fuisse præcepta diuina positiva, intelligendum id est, aut de statu pure naturæ, aut de actualibus solum externis, & quoad particulares ceremonias sacrificiorum & Sacramentorum, non de pure internis, vt recte notauit Suarez 3. par. tom. 4. disp. 15. lœt. 3. n. 10. & 11. Secundum est, hominem diuinis legibus teneri, Deumque de ijs rationem ab eo exacturū, puniendo malos, & remunerando bonos etiā in altera vita; quod tamē vnu quoq; est ex credendis necessitate medijs. Tertium sunt præcepta naturalia decalogi, & alia generaliora, quæ in decalogo supponuntur. Quartum est imortalitas animæ & libertas arbitrij, quamquam illa etiam necessitate medijs aliquo modo credenda fuerit ex dictis. Quintum est peccatum originale, vt probabiliter docet Canus Relect. de penitentia part. 2. saltem credendo in confuso omnes à principio suę nativitatis indigere gratia Dei pro qua parvulus concilianda, parentes certū remedium adhibere teneantur. Sextum addi potest ex S. Thoma hic q. 2. art. 6. ad 3. alijs non repugnantibus, in omni quoque statu necessarium fuisse simplicibus, generatim credere ea, quæ vera Ecclesia credit. Quia populus simplex cunctus pendeat ab auctoritate maiorum, vix aliqui habet, in quo suam fidem constanter possit fundare.

Addunt alij peccatum æternam, aliaque Dei attributa; & Hugo Victorinus lib. 1. part. 10. cap. 7. Deum non esse auctorem peccati. Sed quæ diximus in lege naturæ videntur sufficisse. Neque enim probari potest, aut ratione ipsius per se fidei aut ratione recte operationis, plus requisitum ab omnibus fuisse. Dixi tamen cognoscenda vel credenda; quia cum nonnulla ex his essent etiam ratione naturali evidenter nota, non erat opus ea per se fide diuina credere, vt dictum in simili dubio præcedenti.

58 **ASSERTIO III.** In lege Mosaica etiam alia nonnulla præcepti necessitate explicite omnibus credenda fuerunt; nempe quæ pro speciali ratione eius status, necessaria essent omnibus ad recte operandum. Patet, quia multa alia populus illi facere tenebatur, quæ non nisi diuina reuelatione poterant cognosci. Ut Deum præcepisse circumcisioem, & Sabbathi sanctificationem; item eduxisse populum de terra Ægypti, ac proinde hoc beneficium perpetuo grata mente recolendum; & similia, quæ ex singulari præcepto Dei vniuerso populo debebant proponi iuxta Exodi 12. Deuteronomij 6. 11. & 16.

Tale etiam probabiliter fuit, aduenturum aliquando Messiam seu Christum Salvatorem ac Mediatorem, non quidem distincte, quod is ipse futurus esset naturalis filius Dei, passurus, & resurrecturus, sed in confuso, vt dubio præcedentie Aragonio dictum, & docet etiam Bañes hic q. 2. a. 5.